

INUIT ATAQATIGIIT INATSISARTUNI



UPA2026/108

05.05.2026

Pipaluk Lynge

**Illussa qarneq pillugu ataatsimoortumik aaqqissuusseqqinnissamut,
tassungalu atatillugu pisortat aningaasalersuinnermut
qularnaveeqqusiisarnissaanut, aammalu akitsuutsinik
apparsaagallarnissanik, nuna tamakkerlugu isigalugu periusissioinnissamut
Naalakkersuisut peqquneqarnissaannik Inatsisartut aalajangiiffigisassaattut
siunnersuut. Aaqqissuusseqqinnissamut pilersaarut Inatsisartunut
saqqummiunneqassaaq aalajangiiffigisassanngorlugulu 2027-mi upernaakkut
ataatsimiinnermi (UPA27)**

Inatsisartunut ilaasortaq Erik Jensen, Siumut

Oqaaseqaat.

Siullermik Inuit Ataqatigiinniit siunnersuuteqartumut qujavugut.

Najugassa qarniarneq inuup kialuunniit kissaatigaa, angusinnaasariaqarppaa. Inatsilli qanoq isikkoqassanersoq imaaliallaannagassaannngilaq.

Akit, rentit, aningaasanik attartorsinnaaneq, innuttaasunut akileraartartunut tamanut iluaqtissaqartariaqarpoq, inuit ilaannaanut iluaqtissatut sanaajussanngippat, Naalakkersuisut allannguutissatut siunnersuutaat pingaarutilittut Inuit Ataqatigiinniit nalilerparput.

Nunarsuarmi pissutsit ullormiit ullormut allanngorartut nunatsinniit Naalakkersuinikkut imaasiiallaannaq nikisitassaaneq ajorput, taamaammat aningaasanik atornermi qularnaveequtit ilaatigut arlaqartarput. Nunamut aningaasaliiviginnikkumassuseq, nunatut aalaqqajunnginneq, aalajaanneq, sangujoraannginneq, nunap pii nalillit, siunissamut isumannaarsinnaaneq allarpassuillu, aningaasanik atortitsisartut nalilertarpaat.

INUIT ATAQATIGIIT INATSIARTUNI



Aningaasanik katerseqqaarani aningaasanik atorniarsinnaaneq qanoq imaasiallaannartigissanersoq nalilersuutit arlaqartut atorlugit naliliisinnaasariaqarpoq.

Taamaammat Inuit Ataqatigiinniit Naalakkersuisiut akissuteqaamminni allassimasoq, Attassisinnaanermut Ineriartortitsinissamullu Pilersaarut 2-mi anguniakkanut naapertuuttariaqartoq isumaqatigaagut.

Akilerartartut Namminersorlutik Oqartussanut isumalluuteqarnissaat Inuit Ataqatigiinniit tulluartsuorinngilarput, nunatut namminersortunngorniaaraanni, aamma innuttaasut imminut napatissinnaasariaqarmata, inuit ilaannai isumalluuseriarlugit, inuit ilaat katersisillugit, tamarmillu akilerartuullutik.

Taamaammat una siunnersuut ima isikkoqartillugu qulaajassat arlaqartutut nalilerpagut. Naalakkersuisut siunnersuutaat taperserlugu ataatsimiititaliamut ingerlateqqinneqarnissaanut innersuupparput.